

# Dom's Mööj

Vör völen Johren stohn in Olderoj en Wärtshus onder an di Elper-beek, wor die Landstroot van Wesel nor Düsberg döögeng. Ond in dat Wärtshus sin dumols völ kwooje Dingen geböört. Di Wärtslüj, Son on Schweegerdochter van Dom's Mööj, sollen en Rieg van Frömden, di bei ör häben wellen öwernachten on völ Geld bei sech hadden, inne Schloop dotgemak on verschorrt häbben. En Fuhrmann, dän mät en Kabbekaar nor Möllem (Mülheim) woll, öm dort dat Geld vör en Landkoop aftelewern, woll ok inne Schwan, so hieten dat Wärtshus, öwernachten, mar nömmes häät öm läwend weergesien! Et wodden vertält, dat di Mörders dän Fuhrmann ütgeplöndert on inne Backowent verbrannd hädden. Di olle Dam's Mööj äwer woll ant End nit meer mätdun on droojen öre Kender mät et Gerech, wanneer seij nit ok van ör lälk Handwark aflieten. Nou wor et mät ör sälws gedoon, die eigenen Kender schlugen ör achterroggs doot on brochten di Lick in Nach on Näwel inne Scholtenbos bei Walßem on däjen seij dor in en Sandkull verschorren. Mar di Höör van Dom's Mööj wießen ütte Grond herüt on so koom alles ant Lech, on di Mörders wodden geköpp. All Johr in di Mordnach kömp Dom's Mööj vanne Scholtenbos nor de olle Schwan gegoon, stieg dorinne Kälder on sück dor nor di Gerebben van gemorde Reisenders, di dor vergrawen waren. Ömdat sei necks feenen kann, geht seij weer terög, öm int andre Johr inne Mordnach wijer te süken. Dän verbrannenden Fuhrmann kos ok en Tid lang int Graf gen Ruh feenen, on män häät döcker gesien, wu häj et nachs mät brannende Kleer öm dat Backhus gong, ömdat häj gän Doojenkleed hadden gekreegen.

(Aus dem Nachlaß des † Dr. Heinrich Neuse)